

## Buhur

Qonaxa îrroj ko kurd tède dibuhurin qonax-ekozor dijwar û hestyare li seranserî kurdistanê liser astê siyasî di çarçûve yê pêşveçûn û hevquncana kêşedoza kurd de li gel bazara siyasî de çi derbarê rehendê navherêmî de û çi li derbarê rehendê netewî de , lewra zor pêwîste ko kurd xwe li gor siyaseta biragmatî biguncînin da ko karibin di vê qonaxê re bibuhurin biberû qonaxeke baştir û geştir ve li asoyeke serbest û bervekirî û nexasma li rojava yê kurdistanê paşî yekbûna çar part û alîgirên hevalbend di tevgera rizgarîxwaz de ew yekbûna ko waneyeke dîrokî li dijî parçebûnê tomardike û wisa biberû yek xebat û yek helwêst li ser buhurê sazan û sazandinê

Dengê kurd

# Qonaxa Têbuhurînê LêBûrînê diguncîne



<sup>2</sup>L

YPG

û Komerîşkên  
çekdar û  
ŞAnogerî

<sup>3</sup>L

Daxuyaniya  
Kongirê Yekî-  
tiya Nivîskarên  
Kurd

<sup>3</sup>L



Pariyê  
Gendeliyê



# û Komerîşkên çekdar û Şanogeriyên Fantazî

Dengê Kurd

**L**i rojava yê kurdistanê şer û pevçûnên (ypg) ligel komerîşkên çekdar yê regezperestên ereb berde-wamin wekû cengek xwînrej û xwînî liser hemû astan çi ewlekarî û çi dagîrkirina xak û zalgehên pişkinî û çi dabeşkirina buhur û bazgehên çûn û hatinê liser sînoran , lê ev şer û pevçûnên navneqebî û alûgorkirî çend rehend û tîbînîyan tînin gorepana lêpîrsîn û berpîrsyariyê dako mirov dikaribe di mijar û pîrsgirêkê de bigihêje , ya yekem: (pyd) û (ypg) dibêjin me rojava yê kurdistanê rizgarkirye ji rijêmê û em wî diparêzin ji destdirêjî û çavsooriya dijminan lê rewş û barûdoxê rojava dûrî ewan lêidwan û kelovajiyane jiber ko rijêm hîna bi hemû dam û dezgehên xwe liser kar û kargêranê ye , ya duwem : dema ko (pyd-ypg) xwe dibînin xwedî û parêzdar û pasvanê rojava divêtin ew hemû helûmercên ewan salixdanan bi cih bînin , lê ew kelovajî û quretî rûşeyîyê diçespînin



lihimberî girtin û kuştina xortên kurd her çendakî û ev cihê welatparêziya vê rêxistinê tîne gorepan û dadgeha lêpîrsînê . ya sêyem : dema ko (pyd - ypg) dibêjin me rojava rizgarkiriyê ji rijêmê ev derewkariyê zor me-

zine jiber ko hîna wênayên beşar esed lisazî û dam û dezgehên desthilatê dalqandîne û duruşmên partiya (baas) gelo? pisyar ewe ev rêxistin çawa û çilo evê derewçînî û virçonekiyê dirêse û didêre , ma gelo qey gelê kurd heta

vê çendê nezan û gêlûgewce û dehbelore dako baweriyê pê bîne ? bi rastî ev rewşek tevliheve û saxtekariyê seyr û mendehoşe .Paşî şirovekirina ewan her sê rehendan dê çawa (pyd - ypg) bersivên xwe bidin ji gelê kurd re li rojava yê kurdistanê , dêmekî hemû ew şirovekarî û hêlsûkewtên li gorepana leşkerî ko rûdidin û di qewimin li hev nakin û li hev naguncin jiber ko hevrikiyên (ypg) li gorepanê zor û belavî wekû (dahiş) û (nusra) û bi dehan bêlûk û komerîşkên çekdar û li hev didin li her deverê çi bi alîkarî û palpiştiya rijêmê û çi bi tena xwe lê dibin zeftûmesta hêzên ewlekariyên de. Çavdêr û dîdevanên siyasî xweş têdigihêjin ko (pyd - ypg) nikarin tu tevger û livlivînan bikin çi li astê çek û teqemeniyan û çi li astê xaknasîne bê piştewaniya rijêmê jiber ko her tişt û zanyarî ron û aşkerane ne pêwîstî şirofesaziye û belgenomeyanin ,lora şanogeriyên leşkerî serî dikşînin bi şeweyekî durûyane li ser hefit kindiran.




**A**x birayê min,hevalê rêya min,ma ne zûbû ji koçberiya tere,tu çima bilez birê ketî bê nasname,bê pîlan û pêlav. Ma te ji bîrkir ku xwîna Keyxisrewê Şevgêr,Selahedinê Kurdî û Berzanyê nemir di damarê de de diherike,lê tu bi kude here xwîn qet nabe av.Lê ez ji te dipîrsim hevalê rîya min ka rewşa te çi ye di bin konê xemgîniyê û penaberiyê de?. Çeme te xaka xwe bi hesanî berda?.Gelo ji bo ku tû di

konekî tenik de bê sitar û bê buhar...Çime te rezên gund tîkirin û pîrpîrikên rengên wekî xwe bê cî û bê war kirin?.Çime te Welatê bi xêr û bêr û şoreşa pîroz li şûn xwe hişt?.çime?!.Ne tu bûyî

ê ku te digot :

Em Kurd gewir û sipî ne ser bilind û Arî ne  
Zend giran û gulî ne `bi şêran re cewî ne  
Ne kin û ne dirêj in ``yek ji me bi sedî ne

## Vegere



Behcet Hemo

nav toz û axê de li hêviyên xwe bigerê..Çime te mala pîrê vala kir û dara çûkên gund zuha kir?.Gelo ji bo ku tu têkeve

Heger tu ditirsê ji minre bêje,heger tu ji kurdîtiya xwe şerm dîke ji minre bêje,heger tu bi xebata xwe ,bi tevgera xwe ne ewleyî ji minre bêje...Ez dixwazim zanibim kengî bêhêvî,tîrs û şînî rayên xwe berdan nav damarên te?.Kengî te biryar da ku tu destê min berdê û keda berxwedanê li ber ba bike?.Ma te ji bîr kir ku ez û te dest bi dest di serê xwepêşandan de disekinîn beramberî alavên mirinê?.Ez ji te dipîrsim hevalê rîya min bi çavên tijî ava germ ma turaziye bi wê jiyana çavşikestîVegere,vegere şevbêrkên me hîn xweşin,hêviyên me hîn geşin,bi hatinê bi derçûnê,bi hevdîtîne bi pevçûnê...em hîn hene ne zik reşin... Welat digirî erê Welat digirî,min jêre gurzek gul anî razi nebû,min jêre çemek ji hêsiran berda razi nebû...Xwiya ye ku Welat min tenê na pejiirine ku milê te ne li milê min be,vegere...

# Daxuyaniya Dawî ya Kongirê Bingihîn a Yekîtiya Nivîskarên Kurd li Sûriyê

Dengê Kurd



Roja inê 11- 10 – 2013an li bajarê Qamişlo li hola AL-Melekiyê kongirê bingihîn yê yekîtiyê karê xwe dest pê kir . Ev kongirê giştî û bingihîn di bin durişma ( Nivîskar Wijdanê Gellan e ) de bû . kongir balkêş bû ji ber jimarek mezin ji nivîskarên , ji gelek herêmên Kurdî tê de beşdar bûn . Wisa jî , gelek mêvan ji rêxistin, saziyên siyasî, civakî,olî û gelek kesayetiyan bi nav û deng amade bûn .Demjimêr 10 ê beyanî kongir dest bi kar û barê xwe kir, di destpêkê de kongir hûrdemêkê li ser giyanê cangoriyanê Kurd û Kurdistanê û yên şoreşa sûriyê rawestiya digel sirûda netewî ( Ey Reqîb) .Gelek gotinên balkêş hatin xwendin , hemiyar kongir pîrozkir û serkeftin jê re xwestin . Konkir karê xwe berdewamkir û gengeşe li ser piroja reşnivîsa bingihîn bi awakî heja

û berpîrsiyar hat sergihayîkirin .Kongir biriyar da ku komîtek pîspor ji bo saz-kirin û serastikirina reşnivîsê bê avakirin ,helbet li gor têbîniyên endaman .Konkir jimarek ji pêşniyar û biryarên girîng sitand namaze , yên guhdanê bi paşaroja zimanê kurdî dikan , û her wiha guhdanê bi keltûr , dîrok û çanda kurdî ya ku dijmin ew riswa kiribû .Û di dawî de konkir bangêk bilin ji hemî nivîskar û rewşenbîrên kurd re şand û ji wan xwest ku bi rola xwe ya dîrokî di yekîtiya millet de bi riya peyva berpîrsiyar dûri dan û standinên çewt rabin , û herwiha konkir xwest ev yekîti vekiir be ji bo endameti-yê ji hemî nivîskarên ku ne amade bûn , ji ber sedemên awerte , dîsa biryar hat sitandin ji bo avakirina pêwendiyên birati û wekhevîyê bi hemî saziyên nivîskarên re , bi taybetî saziyên kurdistanî . Û di dawîya konkir de destyek giştî hat hilbijartin ji 15-de endaman .

## Pariyê Gendeliyê



Hozan Dêrşewî

Serpêhatiyeke me kurd heye dibêje ”ez mîr û tu mîr wê kî bibe wezîr ” û “ diz û xwediyê malê bûne yek ga di kulekê re dizîn”. Bê guman xwedayê perwerdîgar di Qura`ana pîroz de dibêje semyan û dîndatî xweşiya jiyane ne , lê dawiyê rastî serdikeve “rasto diristo xwehrOşdlikesto”, civaka me ya kurdî ber bi avakirina welatekî ve diçe , ji ber vê yekê çî karê ku em bikin û bi çî şeweyê encama wê li me û pêşeroja welatê me vedigere, her wiha serkeftina cihgirtî ew e ku mirov bawer be bi hişmendî û karîbûna kesên , ku bi tena xwe û bigendeliya xwe û gotinên xwe , mirov dê nekarîbe tişteki bike ji bilî xweliyê li serê xwe bike, û pêşketina milletê xwe durtir bike, bi karê rast û çiyawaz û xizmet tenê mirov dikare xwe biçîne di dilê kesên de û heger ji xwe hesdike ji bi vî awayî dikare navê xwe bi başî belav bike , mejiyê vekirî ne ew e yê ku “ çav li derî ye xweli li serî ye”, şaristaniyên herî mezin di dîrokê de bi gendeliyê hatihe hilweşandin , heger hûn herfandina xwe û civaka xwe dixwazin de kerembikin tembûra xwe lêxin sitrana “ kîne em : gendelvanin” bêjin .



# Zoya li hewlêrê kernevala hunerî dixemilîne

binkeyê giştî yê rewşenbîrî yê kurdî yê ko bi ser wezaretê rewşenbîrî iraqî ve kernevaleke hunerî rewşenbîrî li darxist li hewlêrê paytexta kurdistanê ,ew kerneval ko sê rojan berdewam kir û xay-and ,zoya dengbêja binav û deng ji serê kaniyê rojavayê kurdistanê sitêrka ewê kernevalêbû dema ko bi çend sitranên kurdî ew kerneval xemiland bi dengê xwey nazik û qeşeng digel du sitranên erebî ko hişt cemawerê amadebûyî çepillêdanê jêre bikutîne bo aferînî û dilxoşiyê




## “XWENDEKAR SERÊ RIMÊNÊ DI HEMÛ ŞOREŞ Û RAPERÎNAN DE”

### DIJWAR TEWFÎQ-AMÛDÊ

Di navbera Kar û çalakî yên yekîtiya xwendevan û ciwanên demokratî kurdistanî-roj avaLi bajarê AMÛDÊ roja ÎNÊ rêkeftî 2013\9\27 semînarê hat li darxistin ji aliyê leqê amûdê û rojavayê qamişlo ,û bi amadebûna hejmarek ji xwendevanên zanîngeha Û Despêkir bi rawestan li ser giyanê pakrewanên Kurdisyanê û li ser giyanê Barzanyê nemir,û tê de endamê desteya sikirtariya DIJWAR TEWFÎQ axivî li ser damezrandina yekîtiya xwendevan û ciwana div ê rewşa awarte û taybet ku

rojawayê kurdistanê tê de derbas dibe ,û her weha rola wan di hemû guhertinên ku li cihanê çê dibe,û berpîrsê leqê Mezlûm Qerno dest bi şirovekirina pênasîn û armancên yekîtiyê ,û tekez kir ku ev yekîti rêxistineke kurdistanî ye ,û her weha Canda beşar û Şivan hecî gotin :emê xizmeta xwendevan û ciwana bikin yên ku li ser xaka kurdistanê dijîn, û hêja ye gotinê ku xwendevanên amadebûne kêf xweşya xwe anîn ziman û gotin emê kar û xebata xwe bikin di bin peyrew û pirogramê yekîtiyê ,Û di heman demê de wek BARZANIYÊ nemir dibêje:



### Koçberê qamşloki

**wê  
kengî...  
qamişlo...**

xemla xwe vegerîne...  
bîratî...hevaltî...şahî...aşî...  
kengî wê bèn...  
kîevokên sipî..lî asîmanên wê...  
kengî wê bî xemilînî...  
malên ku vala bûn....  
mîletên ku penaberbûn..  
kaniyên ku zîwa bûn...  
kenê ku lî ser lêvan çilmisî...  
lî benda evîndarên xwe....  
kengî evîna qamişlo ...  
wê evîndaran hambêz bike...  
kengî .....

kengî emê bîbîn yek...  
kengî....  
rondîkênji dayîkan wê rawestî...  
pîrsa lî hevîya....  
bersivê ye

